

Peqqinnissaqarfimmik oqartussaaffiup Naalagaaffimmut uterteqqissinnaanera pillugu Naalakkersuisut UKA2021-mut nalunaarusioqqullugit peqquneqarnissaannik Inatsisartut aalajangiiffigisassaattut siunnersuut. Nalunaarusiami qulaajarneqassapput oqartussaaffiup Naalagaaffimmut utertinneqarnerani qanoq aningaasatigut, sulisoqarnikkut kiffartuussinikkut, nunatsinnut aamma peqqissartunut kinguneqassanersoq

(Atassutip Inatsisartunut ilaasortaaitai)

Akissuteqaat

(Peqqissutsimut Naalakkersuisoq)

Aappassaaneerpeqarnera

Naalakkersuisut sinnerlugit Ilaqutariinnermut Peqqussutsimulu Ataatsimiititaliap aalajangiiffigisassatut siunnersuut pillugu qujavunga.

Naalakkersuisut maluginiarpaat ataatsimiititaliap isumaqatigiittup Naalakkersuisut kaammattorai:

- *Peqqinnissaqarfimmut saaffiginninnermi tigussaasumik suliniuteqartoqarnissaa, matumani ilanngullugu innuttaasut/napparsimasut piffinnilu peqqinnissaqarfii akornanni attaveqatigiinnerup pitsanngorsarneqarnissaa*
- *Isorliunerusuni innuttaasut/ napparsimasullu sulisunik piffinni peqqinnissaqarfimmut imaluunniit nunap immikkoortuini napparsimavimmut qaninnerpaamut saaffiginninnissamut ataavartumik periarfissaqartuarnissaat, peqqinnissaqarfimmilu sulisut innuttaasunut saaffigiuminartumik pisariaqartitaallu aallaavigalugit suliaqartoqarnissaa eqqumaffigineqarnerulernissaa*
- *Nappaammut ersiutaasinnaasunut innuttaasut/napparsimasut saaffiginnittut sapinngisamik piaartumik misissorneqartarnissaannut pitsanngorsaasoqassasoq*

Naalakkersuisut taakkartorneqartut ukkatarineqartuarnissaat isumaqatigaat kaammattuutigineqartullu tusaatissatut tigullugit.

Atuisut siunnersuisooqatigiivini pilersitsinikkut napparsimaveqarfinni napparsimasut peqqinnissaqarfimmilu sulisut akornanni oqaloqatigiittarnerit pitsanngorsarneqassaaq, taamaalilluni innuttaasut / napparsimasut najukkamilu peqqissaaviit akornanni oqaloqatigiinneq nukittorsarneqarluni.

Kræfti pillugu pilersaarut nalilersorneqarnera inatsisartut ataatsimiinnerani matumuni agguanneqartussami innersuussutit arlallit ilaatigut matumani iliuuserineqartussat innersuussutigineqarput.

Pingaaruteqarpoq erseqqissassallugu innuttaasut ulloq unnuarlu pinasuartumik napparsimalernikkut ajutoornikkulluunniit Peqqinnissaqarfimmut saaffiginninnissaminnut periarfissaqarmata. Peqqinnissakkut sullissineq tunngavigalugu innuttaasut tamarmik ammasarfiit qanoq ikkaluarpata aamma najukkami peqqinnissaqarfimmiippata nakorsamit ikiorserneqarsinnaanerat periarfissaavoq. Ikiorserneqarneq tamanna oqarasuaatikkut, telemedicinikkut imaluunniit najuunnikkut pisinnaavoq. Peqqissaavinni 16.00 matusartuni peqqissaanikkut illoqarfigisami ulloq unnuarlu upalungaarsimasoqartarpoq. Napparsimaviup nalilerpagu pinasuartumik paasisaqartoqassappat suliaritittoqassappalluunniit upalungaarsimasut napparsimaveqarfimmukartarput.

Naalackersuisut taama oqaaseqarlutik Ataatsimiititaliamit itigartitsissutigineqarnissaanut innersuussutigineqartoq taperserpaat.